


Nr.: GAT-045	Verkmenntaskólinn á Akureyri	
Útgáfa: 08		
Dags.: 30.08 2011		
Höfundur: HRS		
Samþykkt: SHJ		
Síða 1 af 3		
Myndbygging, teiknun og málun (MYL 406)		
Kennsluáætlun (Vorönn2015)		

Nafn kennara:	Anna María Guðmann	Sk.stöfun:	AMÍ
Sími: 8978621	Viðtalstími á þri. kl. 10:45 – 11:25	Netfang	ami@vma.is

Áfangalýsing

Áfanginn miðar að því að nemandi hljóti þjálfun á sem flestum sviðum sem lúta að teikningu og málun. Fjölbreyttar teikniáðferðir skoðaðar. Unnið markvisst með efni og aðferðir og ýmsir efnismiðlar prófaðir. Möguleikar skoðaðir í hverskonar þróunarvinnu og forvinnu fyrir frekari útfærslu á myndverki.

Nemendur eru þjálfaðir í hugmyndavinnu, skissugerð og uppbyggingu tvívíðra myndlistarverka í formi og lit. Reynt er að auka skilning og dýpka tilfinningu nemenda fyrir samspili lita og forma í myndbyggingu og að geta nýtt sér þá þekkingu á áhrifaríkan hátt í gerð myndverka. Einnig að skerpa næmni fyrir blæbrigðum í lit eftir litastyrkleika hans og ljósmagni. Merking og tákn í meðferð lita og forma eru kynnt fyrir nemendum. Í framhaldi af þeirri umræðu er unnið markvisst með litablöndun á persónulegan hátt í málverki.

Myndgreining er samofin kennslunni í þessum áfanga þ.e.a.s. að valin eru verk þekktara listamanna eða hönnuða til skoðunar með tilliti til myndbyggingar, notkun lita og stílbrigða. Samhliða vinnu áfangans eru reglulegar umræður þar sem nemendur kynna verk sín og taka þátt í opinni umræðu um eigin verk og annarra á uppbyggilegan hátt.

Áfangamarkmið

Efnismeðferð: Nemandi geti beitt mismunandi efnismiðlum og áhöldum í sköpun skissa og myndverka.

Teikning: Nemandi nái góðu valdi á teikningu sem upplýsandi og listrænum frásagnar og tjáningarmáta. Þjálf sig í hugmyndavinnu, skissugerð og tvívíðri teikningu.


Myndbygging: Nemandi geti byggt upp myndir í formi, lit og efnisáferð á mismunandi máta.

Myndgreining: Nemandi geti formgreint og skilið lögmál formrænnar uppbyggingar á listaverki og með því dýpkað þannig skilning hans á sjónrænum forsendum myndverka.

Hugmyndavinna og rannsóknarvinna: Nemandi geti tileinkað sér ýmsar aðferðir við hugmyndavinnu og sýni fram á markvissa rannsóknar og þróunarvinnu.

Litameðferð: Nemandi geti beitt litum á fjölbreyttan og áhrifaríkan hátt og hafi vald á litablöndun. Geti einnig notað táknfræði til að greina hvaða möguleg áhrif samsetning lita og forma getur haft á myndverk.

Nemandi þjálfist einnig að tjá sig um viðfangsefnið, læri að koma orðum að því sem þeir eru að gera og geti talað um og útskýrt verk sín og annarra. Það er einnig mikilvægt að nemandi læri að beita sköpunargáfu sinni í öllu vinnuferlinu og geti beitt gagnrýnni hugsun og endurskoðað verk sín með það að markmiði að gera betur og *geti rætt opinskátt um þær hugmyndir sem þeir eru að reyna að túlka í verkum sínum*

Nr.: GAT-045	Verkmenntaskólinn á Akureyri	
Útgáfa: 08		
Dags.: 30.08 2011		
Höfundur: HRS		
Samþykkt: SHJ		
Síða 2 af 3	Myndbygging, teiknun og málun (MYL 406)	
	Kennsluáætlun (Vorönn2015)	

Námsmat:

Próflaus áfangi. Ástundun og símat. Metið er til einkunnar öll verkefni, sköpun, tækni, vinnuferli, virkni í tíma, vinnubrögð, uppsetning og frágangur. Því er mikilvægt að vinna vel öll verkefni. **Skil eru 2 vikum eftir hverja lotu. Viðtöl við nemendur eru svo í kjölfarið.**

Lota 1 = 10%	Litablöndun
Lota 2 = 20%	Valverkefni
Lota 3 = 20%	Málun og efnisaðferðir
Lota 4 = 20 %	Uppstilling
Lota 5 = 20 %	Myndgreining og lokaverk
Skissubók = 10%	
= 100%	

Mætingar

Ætlast er til að nemandi mæti í alla tíma. Slök mæting kemur niður á árangri og afköstum.

Nemandi fær 1 stig fyrir fjarvist í 1 tíma (40 mín) og ½ stig fyrir að koma of seint.

Ef þið getið ekki mætt vinsamlega látið mig/okkur vita í gegnum tölvupóst eða sms (sjá efst á blaði)


Innkaup

- Skissubók A4.
- Teikniblyantar eða grafitbly í mismunandi mykt, strokleður, yddara, skæri og límstifti,
- 2-3 Gervihárspensla og 2-3 svínshárspensla t.d. no. 4, 6,10 eða 16. Það má líka kaupa stærri pensla sem fást í málningaverslunum.
- Plastmappa A3 með plastumslögum eða annarskonar skilamappa. Má líka búa til.
- Hægt verður að kaupa skissubókina og plastmöppuna í skólanum (á skrifstofunni).

Athugið

Verkefni nemenda eru geymd án ábyrgðar í 1 ár frá sýnidegi prófa og fargað hafi þau ekki verið sótt að þeim tíma liðnum.



Nr.: GAT-045	Verkmenntaskólinn á Akureyri	
Útgáfa: 08		
Dags.: 30.08 2011		
Höfundur: HRS		
Samþykkt:SHJ		
Síða 3 af 3	Myndbygging, teiknun og málun (MYL 406)	Kennsluáætlun (Vorönn2015)

Lota	Námslýsing
1 ca. 1 vika	Kynning á kennsluáætlun og áfanganum og markmiðum hans. Innkaupalisti kynntur. Litablöndun: Unnið við upphitunarverkefni, litaprufur og liti og litasamsetningar. Dagbók skrifuð í lok vikunnar. Heimavinna: Skissubók 6 síður á viku. <i>Skil á verkefnum 2 vikum eftir að lotu lýkur.</i>
2 ca. 3 vikur	Valverkefni þar sem unnið er með teikningar, efnismeðferð og aðferðir í skissu og hugmyndavinnu. Dagbók skrifuð í lok hvernar viku. Heimavinna: Skissubók 6 síður á viku. <i>Skil á verkefnum 2 vikum eftir að lotu lýkur.</i>
3 ca. 3 vikur	Málun: Vatnslitir og akrýllitir prófaðir. Gerðar prufur og tilraunir með efnið, áhöldin og aðferðir. Dagbók skrifuð í lok hvernar viku. Heimavinna: Skissubók 6 síður á viku. <i>Skil á verkefnum 2 vikum eftir að lotu lýkur</i>
4 ca. 3 vikur	Uppstilling. Myndir byggðar upp í formi og lit. Uppröðun forma og lita skoðuð með uppstillingum og nemendur skissa og sýna markvissa þróunarvinnu í að skoða formin. Teikning og málun, klippimyndir, ljósmyndir o.fl. Dagbók skrifuð í lok hvernar viku. Heimavinna: Skissubók 6 síður á viku. <i>Skil á verkefnum 2 vikum eftir að lotu lýkur</i>
5 ca. 3 vikur	Myndgreining: Nemendur velja verk eftir ákveðna listamenn sem þeir ætla að vinna með. Nemendur skissa síðan út frá myndverkinu sínar eigin tillögur og hugmyndir og útfæra það með mismunandi myndbyggingu, mismunandi litasamsetningum og sýna fram á markvissa þróunar og skissuvinnu. Listaverkið er jafnframt formgreint og fjallað um það og ferlið í lotunni í skriflegri greinargerð. Dagbók skrifuð í lok hvernar viku. Heimavinna: Skissubók 6 síður á viku. <i>Skil á verkefnum í síðasta tíma.</i>
Síðasta vikan	<i>Lokafrágangur verkefna og allir taka þátt í að hengja upp fyrir vorsýninguna.</i>
LOK	Vorsýning miðvikudaginn 29. apríl kl. 20:00-21:30. Allir mæta og taka þátt.

Tegund	Námsgögn
Bækur og ljósrit	Ýmsar listaverkabækur og ljósrit sem tengjast viðfangsefni hvers og eins.

Með fyrirvara um breytingar. Gangi ykkur vel og hafið gaman að.
Amí (Anna María Guðmann)

Undirritun kennara

Undirritun brautarstj., fagstj eða staðgengils